

# LETTRE

DV SIEVR

DV

# PELLETIER

à Monseigneur le Duc  
DE BEAUFORT,

*du dixiesme Feurier 1649.*

SVR SON HEVREUSE ENTREPRISE  
pour les Armes du Roy, & des bons François.



A PARIS,  
Chez NICOLAS DE LA VIGNE,  
pres Sainct Hillaire.

---

M. DC. XLIX.

AVEC PERMISSION.

LETTER

DA SILVA

DA

PELLER

de Montigny le Duc

DE BEAUFORT

de la ville de Beaumont  
de la ville de Beaumont

A PARIS.

Chez NICOLAS DE LA VIGNIE

passant à l'illuminé.

M. D. C. XLIX.  
ANNO DOMINI 1749.





## LETTRE DV SIEVR DV PELLETIER

à Monseigneur le Duc de Beaufort,  
du dixiesme Feurier 1649.

**M**

ONSEIGNEVR,

Il y a long-temps que j'ay conçu pour vous vne de ces affections secretes que les honnestes gens ont accoustumé d'auoir pour les Heros dont vous augmentez le nombre. Mais certes il ne se pouuoit rencontrer vne plus belle occasion pour rendre mon zele public que le secours que vostre valeur vient de donner à ma patrie affligée. Pour moy ie tiens que c'est vn des plus rares effets de la prouidence diuine, & l'on ne pouuoit pas moins esperer de vostre courage qui n'a iamais esté capable de la lacheté de ceux qui suivent la fortune pourueu qu'elle soit esclatante sans considerer s'il n'y a point de honte à se laisser prendre à ce faux éclat. Il est vray que cette conioncture est vn peu funebre, mais quoy c'est vn secret que nous deuons mettre au rang des misteres, & nous pouuons dire que Dieu qui cherit ce Royaume avec beaucoup de tendresse ne peut souffrir qu'il naisse des Monstres qui



s'efforcent de le perdre qu'il ne suscite à mesme temps des Hercules pour leur ruine. Il est vray, Monseigneur, ie m'estois tousiours beaucoup promis de vostre generosité, mais il faut que i'auoüe que vos dernieres actiõs ont esté au de là de mon attente, & qu'elles ont tout l'air de celles de ces vieux Romains, & de ces vieux Grecs que l'on peut nommer le Bouclier, & l'espée de leurs Republiques. Ie sçay bien, Monseigneur, que ie dois dire qu'elles surpassent infiniment tout ce que l'Histoire nous fait lire de veritable, & que dans vn siecle de fables elles passeroient pour les ieus d'un esprit qui se gaye, & qui sur vn point de verité batticent contes de Romant. Tout le monde est d'accord avec moy qu'elles sont dignes d'un culte religieux; de ces tributs legitimes que l'on rend à la vertu reconnüe, & ie me fâche contre vostre modestie qui me deffend de dire tout ce que ie pense. Mais apres tout, ce que i'en concoy est infiniment au dessous du merite de ces merueilles que Paris qui vous applaudit avec toute la France, qui parmy le bruit des armes qu'elle prend pour vne cause glorieuse, & legitime entend avec plaisir, ce que la renommée en raconte. C'est vn de mes plus charmans entretiens dans mon desert, (C'est le nom que ie donne à ma demeure) où viuant en solitaire, ie voy du moins en papier ou en portrait les miracles des anciens demy Dieux & des modernes. C'est là que ie concoy quelque fois du depot contre le Ciel, & contre la fortune de ce qu'il ne m'a pas donné l'art qui immortalise les beaux faits, & que la derniere qui a mal traitté les Tasses, & presque tous les sçauans a sou-

uent



uent troublé cét honnesté loisir, qui est si nécessaire aux Nobles enfantemens de l'esprit. Iuggez, s'il vous plaist, si ie n'ay pas maintenant plus de sujet de me plaindre du malheur de ce siecle, & de ceux qui en sont les Auteurs, puis que les alarmes ont mille fois mis en desordre mes plus serieuses Meditations, & donné de la crainte à mes Muses, qui ne peuuent estre assurées qu'à l'ombre de vos trophées. Je pourrois faire plaindre ces Vierges en vers, si le bruit des tambours ne leur auoit par la peur osté la parole. Toutefois sçachez, Monseigneur, qu'elles sont bien moins sensibles à leur disgrâce, qu'à celle de ma Patrie, & qu'elles ne portent que des robes noires, lors que tout Paris est en deuil. Elles croiroient estre criminelles de se parer durant ces iours lugubres, & certes elles seroient sans espoir, si vostre valeur ne leur promettoit de faire triompher la France malgré les Tirans qui l'oppriment & de rendre leur Parnasse aussi pompeux que sous les Charles-magnes. Quant à moy, Monseigneur, quoy que ie n'aye aucun commerce avec les astres ie puis dire pourtant que ie ne voy que de bons augures, & que c'est aussi vostre seul courage que ie consulte. Si l'on tire d'infailibles presages des choses faites pour les futures que ne doit on pas se promettre de ce grand cœur qui combattant pour vne iuste querelle ne voit point d'ennemis ny de hasards qu'il ne mesprise? ce noble cœur de Lyon qui sçait combien la captiuité est



intolérable ne peut souffrir que la France languisse encore sous la pesanteur de ses fers. Il y a trop long tems qu'elle ploye le cou sous ses chaines, & le Ciel vous a destiné pour estre son libérateur lors quelle seroit au poinct du sacrifice. Ne m'auouera on pas que c'est vn des prodiges de nostre siècle qu'un Prince nagueres captif soit fortý de sa prison par vn miracle, & que cet illustre prisonnier dont la liberté fit trembler ses ennemis soit auourd'huy l'Ange exterminateur de la tyrannie ? Pour moy, Monseigneur, i'y remarque vn effet tout particulier d'une puissance souueraine, & pour peu que les ennemis de l'Estat ayent de sens commun ils iugeront par là que les Dieux combattent icy pour la cause la plus iuste. Il est aisé à iuger que celuy qui peut affermir le Trône d'un grand Monarque est indigne de la prison. Il faut que ie vous confesse que ie vis en Anacorete, & que ie n'ay pas les yeux assez bons pour penetrer dás les affaires, mais i'ay bien cru que notre cause étoit la meilleure, puis que vous vous estes opposé au party contraire, & c'est le raisonnement que forment auourd'huy les esprits les plus grossiers. Cette façon de raisonner est tres-plausible & capable de conuaincre les moins rafinez en la politique, & cette science est pour moy, ce qu'estoit le Sanaítaire aux profanes. Ce sont mes sentimens que i'ose vous exposer icy sans aucun artifice, & ie veux mal à ma destinée, qui m'a fait prendre vne façon de viure bien differente de celle de la guerre, puis

que ie prefere la tranquillité au tumulte, le son d'une  
Lyre à celui des tambours. Je ferois gloire de  
vous servir en toutes les deux, en qualité

MONSEIGNEUR.

De vostre tres-humble, tres-obeissant,  
& tres-fidelle seruiteur,  
D V PELLETER.



vous ferez toutes les deux, en qualité  
de l'un des deux, le ferez gloire de  
dans les deux, en qualité de l'un des deux.

# MONSIEUR

De vosseigneurs-humble, tres-obéissant,  
et tres-fidèle serviteur,  
De BELLIER.